



Broj: 04 - 786 /23
Datum: 11. 04. 2023. godine

Na osnovu člana 51 stav 2) Zakona o zapošljavanju i pravima za vrijeme nezaposlenosti („Službeni glasnik Brčko distrikta Bosne i Hercegovine“ br. 1/23), Upravni odbor Zavoda za zapošljavanje Brčko distrikta Bosne i Hercegovine, na svojoj 2. redovnoj sjednici održanoj 07. aprila 2023. godine i saglasnosti Vlade Brčko distrikta Bosne i Hercegovine, broj predmeta: 02-000079/23, broj akta: 01.11-0323CP-037/23 od 22. 12. 2023. godine, **donosi**

ODLUKU

o utvrđivanju obveznika, osnovici i stopi doprinosa, kontroli obračuna i uplata doprinosa za obavezno osiguranje za slučaj nezaposlenosti

Član 1.

(Predmet odluke)

Ovom Odlukom utvrđuju se obveznici, osnovica i stopa doprinosa, kao i kontrola obračuna i uplata doprinosa za obavezno osiguranje za slučaj nezaposlenosti (u daljem tekstu: doprinos).

Član 2.

(Doprinosi)

(1) Doprinos je prihod Zavoda za zapošljavanje Brčko distrikta Bosne i Hercegovine (u daljem tekstu: Zavod).

(2) Doprinos se obračunava i plaća iz ličnih primanja i drugih prihoda obavezno osiguranog lica za slučaj nezaposlenosti (u daljem tekstu: osiguranik).

Član 3.

(Osiguranik)

Osiguranik kod Zavoda je:

- a) zaposleni i drugo lice koje u skladu s propisima o radu ostvaruje pravo na platu, odnosno naknadu plate;
- b) izabrano ili imenovano lice koje za svoj rad prima platu, odnosno naknadu plate;
- c) fizičko lice, odnosno preduzetnik koji samostalno obavlja privrednu i drugu djelatnost ako po tom osnovu ostvaruje pravo na obavezno penzijsko i zdravstveno osiguranje;
- d) vlasnik ili suvlasnik preduzeća ako po tom osnovu ostvaruje pravo na obavezno penzijsko i invalidsko osiguranje;
- e) drugo lice u skladu s posebnim propisima.





Član 4.

(Osnovica za obračun i uplatu doprinosa)

- 1) Osnovica za obračun i uplatu doprinosa je bruto plaća, naknada plate i ostala primanja oporeziva prema propisima o porezu na dohodak.
- 2) Najniža osnovica za obračun i uplatu doprinosa je minimalna osnovica na koju se obračunava doprinos za penzijsko i invalidsko osiguranje u skladu s propisima entiteta i odredbi zakona o radu, do donošenja kolektivnog ugovora u Brčko distriktu BiH.
- 3) Danom donošenja kolektivnog ugovora iz stava 2 ovog člana, prestaju se primjenjivati propisi entiteta kojima je određena najniža osnovica.

Član 5.

(Stopa doprinosa)

Stopa doprinosa iznosi 1,5 % na osnovicu iz člana 4 stav 1 ove Odluke.

Član 6.

(Obveznik obračuna i uplate doprinosa)

- 1) Doprinos se obračunava pri obračunu plata, naknada i ostalih primanja za lica iz člana 3 ove Odluke.
- 2) Doprinos obračunat u skladu sa stavom 1 ovog člana dospijeva za plaćanje odmah, a najkasnije do posljednjeg dana u mjesecu za prethodni mjesec.
- 3) Obračun i uplatu doprinosa vrši isplatilac plata, naknada i ostalih primanja.
- 4) Obračun doprinosa vrši se u konvertibilnim markama.
- 5) Doprinos se uplaćuje na račun Zavoda u skladu sa Odlukom o uplatnim računima prihoda budžeta i fondova Brčko distrikta BiH, načinu uplaćivanja tih prihoda i načinu i rokovima izvještavanja korisnika prihoda, sa naznakom vrste prihoda 712113.
- 6) Obveznik uplate doprinosa dužan je da doprinose uplaćuje redovno, od datuma prijave, do datuma odjave osiguranika sa obaveznog penzijskog i invalidskog i zdravstvenog osiguranja.

Član 7.

(Kontrola obračuna i uplate doprinosa)

Za kontrolu obračuna i uplate doprinosa, naplatu, obračun kamate, kazne i zastare primjenjuju se odredbe Zakona o Poreznoj upravi Brčko distrikta BiH.

Član 8.

(Stavljanje van snage)

Donošenjem ove Odluke, stavlja se van snage Odluka o stopi doprinosa za zapošljavanje, broj 0-02-022-354/04 od 03.11.2004. godine objavljen u „Službenom glasniku Brčko distrikta BiH“ br.44/04.





Član 9. (Stupanje na snagu)

Ova Odluka stupa na snagu danom donošenja odluke Vlade Brčko distrikta BiH o davanju saglasnosti na istu i objaviće se u „Službenom glasniku Brčko distrikta BiH“ i web stranici Zavoda.



Dostaviti:

1. Vladi Brčko distrikta BiH,
2. Direkciji za finansije Brčko distrikta BiH,
3. Članovima UO,
4. Direktor, u
5. Sektoru za posredovanje u zapošljavanju,
6. Sektoru za pravne i opšte poslove,
7. Službi za ekonomske poslove i analizu,
8. Arhivi.